


# Alkitab Buat Bocah Nampilin

## Bocah Nyeng Ilang



Nyeng nulis: Edward Hughes

Nyeng bikin gambar: Lazarus  
Alastair Paterson

Nyeng nyocokin: Ruth Klassen; Sarah S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Yesus suka cerita soal pengampunan Allah. Tapi tetua Yahudi ngresulah soal pegimana Ia selalu bekawan ama pendosa. Lantas Yesus nyeritain tiga cerita nyeng nunjukin kalo Allah girang banget kalo pendosa pada tobat dari dosa mereka.



Cerita nyeng pertama soal seorang tukang angon nyeng punya seratus domba.



Satu dombanya ilang. Ngejengkat ia ninggalin nyeng sembilan puluh sembilan dombanya dan pegih nyariin domba nyeng ilang.





Tukang angon itu nyari  
dan terus nyari sampe  
ia temuin dombanya.  
Lantas dipanggulnya  
domba itu di pundaknya  
dan dibawanya pulang  
dengan girang. Ia  
ceritain sama  
temen-temennya,

"ayo sama-sama  
seneng-seneng sama  
aku, karena aku udah  
nemuin domba  
nyeng ilang!"



Yesus ngejelasin  
kalo ada kesenangan  
nyeng gede di sorga  
kalo seorang bedosa  
tobat. Tobat  
artinya nyesel  
ama dosa-dosa  
dan brenti bikin  
dosa lagi.





Cerita Yesus  
nyeng laen lagi  
soal seorang  
perempuan nyeng  
punya sepuluh  
logam perak,  
nyeng dari hasil  
nyelengin seumur  
idupnya. Ada  
kejadian buruk.  
Ia keilangan satu  
logam perak.



Sapu! Sapu! Sapu! Perempuan  
itu nyari dimana-mana.





Ujun-ujungnya ia nemuin logam  
nyeng ilang. Ia girang banget.  
Bisa kaga kamu nebak nyeng ia  
kerjain? Iya, Ia ceritain sama  
semua temen-temenya.





Lagi-lagi  
Yesus bilang,  
"Malekat-  
malekat Allah  
girang kalo  
seorang  
bedosa  
betobat."



Cerita ketiga nyeng Yesus  
ceritain itu cerita nyeng  
paling sedih. Nyeritain  
soal seorang bocah nyeng  
minggat dari rumah  
bapanya.



Di negara nyeng jauh bocah itu ngabisin duitnya secara sembrono. Lantas apa nyeng kudu ia perbuat? Situasi mangkin buruk karena musim panas ama kelaparan dateng. Bocah itu bisa mati kelaparan.



Putus asa karena kelaparan, bocah itu dapet kerjaan ngasih makan babi. Tapi kaga ada nyeng ngasih dia makan. Ia dengan girang makan makanan babi. Itulah nyeng bisa dia buat. Akhirnya bocah laki-laki itu sadar ama kesalahannya. "Di rumah bapaku, pembantunya dapet makan nyeng enak," pikirnya.







“Aku bakalan balik lagi ke rumah bapaku dan mohon ampun dari bapaku sama kesalahanku. Aku kaga pantas jadi anak bapaku. Aku cuman ngarepin bisa begawe jadi pembantu di tempat bapaku.”



Saat bocah itu masih lumayan jauh dari rumahnya, bapanya udah ngeliat dia. Dengan girang, bapanya lari nyusul anakanya. Ia ciumin ama peluk anakanya.





"Bapa, aku bedosa. Aku kaga pantes buat jadi anakmu." Bocah itu nanya bapanya kalo ia mao ngasih dia pegawean jadi pemabantunya. Tapi bapanya langsung nyela. "Keluarin jubah nyeng paling bagus, alas kaki, ama cincin buat anakku. Dan siap-siap buat bikin keriyaan nyeng gede."





Suatu Keriyaan nyeng luar biasa sebab bocah ilang udah balik lagi. Yesus nyeritain ini karena Allah

sayang banget ama orang bedosa nyeng tobat dan balik lagi kepada-Nya.



# Bocah Nyeng Ilang

Sebuah cerita dari perkataannya Tuhan, Alkitab

Ditemuin di

Lukas 15

"Palang pintu Firman Engkau ngasih terang."  
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

